



Samráðsgátt (/oll-mal)

- opið samráð stjórnvalda við almenning



Samráð fyrirhugað
27.06.2023–31.08.2023

Til umsagnar
27.06.2023–31.08.2023

Niðurstöður í vinnslu frá
31.08.2023

Niðurstöður birtar

Starfshópur um skattlagningu orkuvinnslu

Mál nr. 119/2023 Birt: 27.06.2023

Fjármála- og efnahagsráðuneytið Annað

Málefnasvið: Skatta-, eigna- og fjármálaumsýsla

Til umsagnar

Umsagnarfrestur er 27.06.2023–31.08.2023. Umsagnir verða birtar jafnóðum og þær berast.

Senda inn umsögn

Málsefni

Ósk um sjónarmið hagsmunaaðila og annarra vegna vinnu starfshóps um skattlagningu orkuvinnslu.

Þann 7. júní sl. skipaði fjármála- og efnahagsráðherra starfshóp sem falið er að hefja skoðun á skattalegu umhverfi orkuvinnslu, Sjá nánar fréttatilkynningu á heimasíðu ráðuneytisins, dags. 7. júní sl.

Í stjórnarsáttmála ríkisstjórnarinnar kemur fram vilji til að skapa sátt um nýtingu auðlinda. Ríkisstjórnin leggur áherslu á baráttuna við loftlagsbreytingar með samdrætti í losun, orkuskiptum og grænni fjárfestingu. Um leið er það verkefni ríkisstjórnarinnar að búa íslenskt samfélag undir aukna tæknivæðingu auk þess að tryggja áframhaldandi lífshæðisbætur allra kynslóða. Orkuskipti eru þannig ríkur þáttur í að styrkja efnahagslega stöðu landsins og að því er stefnt að Ísland verði í forystu í þeim efnum á alþjóðavísu.

Í stjórnarsáttmálanum kemur einnig fram að setja skuli sérstök lög um nýtingu vindorku með það að markmiði að einfalda uppbyggingu vindorkuvera til framleiðslu á grænni orku. Jafnframt kemur fram að áhersla verði lögð á að vindorkuver byggist upp á afmörkuðum

svæðum nærri tengivirkjum og flutningslínunum þar sem unnt verði að tryggja afhendingaröryggi og lágmarka umhverfisáhrif.

Þann 11. júlí 2022 skipaði umhverfis-, orku- og loftslagsráðherra starfshóp sem falið var að skoða og gera tillögur til ráðuneytisins um hvernig framangreindum markmiðum um nýtingu vindorku verði náð. Starfshópurinn skilaði stöðuskýrslu til ráðherra í apríl sl.

Brýnt þykir að hefja skoðun á skattalegu umhverfi orkuvinnslu í stærra samhengi með það að markmiði að skapa henni nýja skattalega umgjörð og kanna leiðir til að ávinningur vegna auðlindanýtingar, þ.m.t. vegna orkuframleiðslu, skili sér í ríkari mæli til nærsamfélaga og þeirra aðila sem fyrir áhrifum verða.

Starfshópi fjármála- og efnahagsráðherra er m.a. gert að afla upplýsinga og gagna um úrlausnarefnið ásamt því að skoða þau atriði sem fram koma í stöðuskýrslu starfshóps um málefni vindorku.

Í ljósi þess að skattaumhverfi orkuvinnslu snertir marga aðila hefur starfshópurinn ákveðið í upphafi vinnunnar að gefa hagsmunaaðilum og öðrum aðilum kost á því að koma að ábendingum og/eða tillögum til starfshópsins sem stutt geta við vinnu hópsins vegna skoðunar á skattalegu umhverfi orkuvinnslu.

Frestur til að skila inn umsögnum er til og með 30. ágúst 2023.

Ábyrgðaraðili

Skrifstofa skattamála
fjr@fjr.is (mailto:fjr@fjr.is)

Fylgiskjöl

🔗 Fréttatilkynning dags. 7. júní 2023. (<https://www.stjornarradid.is/efst-a-baugi/frettir/stok-frett/2023/06/07/Starfshopur-skodar-skattalegt-umhverfi-orkuvinnslu/>)

Fjöldi umsagna

0

Viltu senda inn umsögn um málið?

Smelltu hér (<https://innskraning.island.is/?id=samradsgatt.island.is&path=%3freturnUrl%3d%2foll-mal%2f%24Cases%2fDetails%2f%3fid%3d3491>) til að skrá þig inn með Íslykli eða rafrænni auðkenningu.

Ef umsögnin er send fyrir hönd samtaka, fyrirtækis eða stofnunar þarf umboð þaðan, sjá nánar hér (<https://samradsgatt.island.is/library/Files/Umbo%C3%B0%20-%20lei%C3%B0beiningar%20fyrir%20samr%C3%A1%C3%B0sg%C3%A1tt%20r%C3%A1%C3%B0uneyta.pdf>).

